

四一圖書館

惠存

敬獻
三四四一

印
續修建水縣志

卷十之十六
酉

民國癸酉冬重印

續修建水縣志

王垂書署

歸德府志
卷之六
水經
一

卷之六
水經

續修建水縣志目錄

卷之十六 藝文六

趙維垣

醮告煥山文

劉維

祠祀交趾死事忠臣文

諭死事軍士文

陳時範

祭烈女樊氏文

張玉樹

祭董莊愍公文

傅爲許

祭巨輿先生文

禱雨文

修燕子洞引

修萬里橋引

修永定橋引

藏書引

張履程

臨安郡城募修天王寺小引

傅爲許

靈酒說

公掞弟子說

答蘇撫陳可齋書


答陳元若書

答陳肇洙書

興劉蘭若書

葬論

雜記附



續修建水縣志

文

明

醺告煥山文

提學趙維垣永寧人

惟山一郡之望雄峙城南層巒千仞中列三峰蒼翠插天俗呼筆架儼若揭仙掌而擘鴻濛也其下幽洞窈窕寶藏興焉維垣是歲三月十一日視學臨安謁先師廟召諸生講書頃之晴嵐排闥照映堂階乃竚而望之惟山屹然相向因問諸生皆曰昔大理段思平舅氏爨判居焉遂名判丈山維垣曰嗟乎山之辱名也久矣以告宗魯宗魯曰豈惟是哉元江之賊也習峨蒙自之盜也相傳判

者叛也茲山以招耶維垣曰嗟呼山之辱名也久矣謹易名曰煥
夫煥文明象也臨安爲用武之地文修而武偃尤宜今而後山之
靈也鍾乎人爲忠爲孝爲良爲哲煥之名山其勿讓弗靈也鍾乎
人爲狼爲虺爲姦爲竊則昔稱判也不於山辱而誰辱乎謹擇斯
二者况維垣振鐸而來見是邦文獻足徵新進之士又篤實光輝
誠彬彬可觀私語宗魯曰斯太平氣象哉子提兵於茲也可以戢
干戈櫜弓矢於戲惟山效靈幸克相之

祠祀交趾死事忠臣文

巡按劉 維江陵人

維萬歷八年歲在庚辰八月二十一日巡按雲南監察御史裔孫
劉維等謹以剛鬣柔毛清酌庶品之儀致祭於欽差參贊機務兵

部尙書贈太子少傅諡愍節劉公之神暨兵部尙書贈少保諡節愍前總督軍餉大理寺卿陳公戶部尙書贈太保諡忠宣前掌交趾布按二司事黃公交趾布政使司參政劉公都督掌交趾都使司事呂公交趾布政使司左參政贈左布政使馮公交趾布政使司右參政布政使侯公諒江府知府前御史按察使贈參政劉公諒山府知府贈參政易公政平州知州前御史勅旌其門諡忠節何公之神曰於戲哀哉痛思我祖文武忠孝立身於家爲憲於國蓋天意所篤生應昌期而名世者遭遇皇明啓運太祖高皇帝世祖文皇帝相繼眷注任使責成我祖歷陟大卿光樹偉績始受命征黎賊以便宜從事參啓軍務擒季犛而平交趾此時有功不居

辭封受賞及再受命征簡定變見於天計阻於人仗節捐生曾不爲屈成祖賜葬衣冠隆賚賻祭特勅立廟永祀鄉閭在朝廷追念腹心大臣卹典已過厚矣顧我祖上雖深得乎聖君下則不理於衆口精忠峻節良謀膚功竟未昭著於一時如議更永樂符詔之字稱旨備大觀文貞楊公深服其議而獨爭忤違拂於同列因有不知碩議之謗可想見矣仁宗昭皇帝久潛藩邸悉知我祖之公忠故於卽位之初首札秩宗贈官賜誥諭祭廕子數十年之勲勞方爾表見誥命所謂纂紹之初緬懷賢輔慨九泉之莫起徒南望以興嗟諭祭文所謂節義炳炳然光明俊偉於後復何憾焉者也獨死事之地與共事共難之臣一日竝喪八十萬師旅之多猶泯

泯無聞未得血食伸其赤忠沉抑之情可不謂之大缺典與賴天之靈不絕忠賢後俾孱孱末裔稍世其業偶竊天祿通籍仕版謬荷知遇量選南臺有旨清查南內故物會逢其時適於興慶宮中檢出我祖所征交趾密勅二十餘道應制韻歌騶虞詩文二集如綫子孫得見祖宗經緯謀猷之萬一感幸出意外矣嗣以起復還朝隨例北補奉命來按滇省周遊有事之地望當日戰場履當時擴宇徧訊父老尙有能言我祖暨諸公功勳忠烈之衆與分巡司道諸執事若參政王續之副使劉伯燮劉黼僉事羅良楨知府甘一驥等狗父老沈崇儒樊志寬等之請考求制書採錄野史集議會文通詳允祀遂緣查革書院之命具疏上請幸今上皇帝俯納

閣議特旨兪允勅建表忠祠以崇祀二百年未舉之典一朝明備
於清時我祖暨諸公生不虛死不朽久而論定然則精爽游行上
之九天中之九圍下之九原信可以怡顏悅志無復有遺憾矣茲
當建祠之初同諸執事樹扁標額奉勅成禮敢約事辭敬伸虔告
用洩千古未發之憤伏乞尊神永歆欽祀率各英魂默奠南服嗚
呼哀哉尙饗

諭死事軍士文

前人

萬歷八年歲次庚辰秋八月戊戌越二十四日辛酉巡按雲南監
察御史劉爲表忠魂而因以萃數省軍士之渙隆報祀而因以聯
一時共事之臣念本院職司風紀關於忠孝大節靡不覈實舉行

况一日而八十萬人同以死勤事乎事則已往情實如見雖姓名
不載難以週知而祀典無文亦宜咸秩庶幾忠貞一體大小無遺
神有所依鬼不爲厲乃爲大醺會東向而言曰爾等其果以斯死
爲不幸乎哉不知人生百年亦死也彼其時與爾同生者今計有
在者乎然則等死耳與其死於婦人之手執若死於君父之前與
其後數載而死卒臭腐泯滅莫可載紀孰與夫以忠而死顯男子
之烈也蓋至於今數世聖天子猶聞而念之本院暨諸大夫猶臨
而祭之此其視後死者孰爲榮孰爲洋洋且自得也耶不寧惟是
爾等當其時皆曾聽命於我祖父者也今表忠祠建依舊聽命我
祖於祠下矣春秋薦祀爾等其與享之矣蓋我祖勅賜香火不絕

則爾等陰亦自相隨不絕所附得其人所死得其地自不隨死而亡耳不然豈無終身老死牖下子孫不賢旋踵覆敗求血食而不可得者又或戴罪而往或賁志以歿或積愆累釁而去欲求如是安享又可得乎故吾以爲爾等之死非不幸也第恐爾等不知重增迷悶猶自銜冤抱痛依草附木以爲不得其死寧爲鬼而不爲神寧沉憂愁之苦而不知精爽之靈故特呼而告之使其深思於吾之言云爾於是姚安府知府李載贇入院受辭臨安府知府甘一驥隨壇陳疏使爾等鬼魂得所我心乃安嗚呼我今於爾等深念如此幽冥之際慎重如此爾等其可以余言爲不然而心猶懸懸乎嗚呼尙其安享於此焉可

祭烈女樊氏文

左布政 陳時範 長樂人

於戲烈女如玉如金誓爾不貳疇爾委禽君子憫義鳴鶴在琴而
命不渝乃其貞心昔共姜氏矢柏守謀昔伯姬氏傳母宵箴志苟
不辱盟砥邱岑而茲得正爲烈於今嗟嗟姱節式昭德音天地鬼
神可質可臨帝德光天至於海潯咨諏閭巷揚闡湮沉而將有耀
發爾幽潛觀風太史述讚藝林雲山蒼蒼江水深深化石之原化
瑤之局題鐫墓拱酌酒泉陰庶其表式惟德之欽
清

祭董莊愍公文

知府 張玉樹 武功人

於維三綱君臣義首世際清寧良臣何咎惟逢變逆迺徵貞守或

屈與逃紛紛羣醜粵有孤忠丹忱無負地擁山嶽天垂星斗邇彼
元運天歷未衰鎮將倡亂人心謬迷勢若瓦解一木焉支於維莊
愍獨炳天彝迫之弗降撼之弗移嚼耳噴血義烈誰媿念唯公秩
九品幕僚企惟公義千載丹青蘇節嚴頭今古爲昭顏舌張齒後
先岌岌凡有血氣悽愴焄蒿懿德均好願潔性醪矧在枌榆儼存
邱墓雲祊實繁馨香散布故茲守土盡然誠慕建祠明禋春秋弗
敦惟公靈旂幡然雲駐楷模綱常來歆芳醑

祭亘興先生文

御史傅爲訥郡人

嗚呼先生往矣訥未弱冠卽知通海有亘興先生官於朝爲翰林
侍御未之見也丙午訥叨鄉薦先生典試黔中請假入滇覲省訥